



## Universitätsbibliothek Paderborn

**De Orationibvs Iaculatoriis Libri IV. Ascetici, Seu ad  
exercitationem spectantes**

**Balinghem, Antoine de  
Antverpiae, 1618**

Cap. X. De particularibus Christi perpessionibus ad horarias aspirationes  
accommodatis.

[urn:nbn:de:hbz:466:1-51085](#)

## C A P V T X.

*De particularibus Christi perpetuationibus  
ad horarias aspirationes accommodatis.*

**C**V M Christi Domini Seruatoris latissi-  
mè pateant cruciatus, siquidem nihil D. Th.  
illii ratione doloris defuisse traditur à sa- <sup>3. p. 4.</sup>  
cris doctoribus, visum est, nō ipsos quidem  
vniuersos, quoniam infiniti sunt, partiri (vo-  
luntate magis quam certa ratione) in horas  
singulas, factō ab iis initio qui interiora ma-  
gis spectant. Itaque ut à meridie inchoēmus.

Hora XII. cogitabit Asceta, quantum pas-  
sus animo sit Christus Dominus, tēdio, ti-  
more, tristitia & dolore; dolebat autem ve-  
hementissimè, primū de peccatis totius  
humani generis, quæ vniuersa erat passione  
sua expiaturus, eorumq; pœnas exoluturus;  
disciplina enim pacis nostræ super eū, eius-  
que liuore sumus sanati: hinc factum ut ea  
sibi ipse quasi ascriberet, iuxta illud Dauidis:  
longè à salute mea verba delictorum meo-  
rum. Excessit autem hic Christi dolor, dolo-  
rem omni cuiuscumque contriti, quan-  
doquidem & ex lumine maiori, charitateq;  
proficiscebatur, & de mortalium vniuerso-  
rum dolebat peccatis, iuxta illud Isaiæ. Verè <sup>Psal. 21.</sup> cap. 52

V 4 dol-

312 DE ORAT. IACVLATOR.  
dolores nostros ipse portauit, & languores  
nostros ipse tuli.

Hora I. Cogita huic eidem dedisse dolo-  
ri causam; incredulitatem casumque dele-  
cti sibi populi gentisque suae, aliorumque; qui  
morte eius scandalum passi, ipsius deseruere  
signa, potissimumque discipulorum, quos  
tam arcto semper erat amore complexus.

Hora II. Ad haec doluit etiam de iactura  
vitae suae & de morte, quam quidem fortissi-  
mus quisque, naturae instinctu reformidat.  
Fuit autem Christi Domini tam digna vita,  
tantiique pretij, maximè ob diuinitatis con-  
iunctionem, ut de ea vel ad horam tantum  
amissa multò esset dolendum acerbius, quam  
si periret orbis universus. Quantum te igi-  
tur amauit, qui causâ tuâ rei tam præstantis  
passus est dispendium: quod idem tibi reuocat  
ipsemet in memoriam. Dedi (inquit)  
Hier. 12. dilectam animam meam in manibus inimi-  
corum eius.

Hora III. Cogita nullum Christi tui sen-  
sum dolorum expertem fuisse. Ac primum  
quidem quam ei fuerit acerbum matrem in-  
tueri, quam quidem tenerimè diligebat, ut  
& discipulum virginem, flentes iuxta crucem.  
Pias item mulieres quasdam, eius vestigia ad  
supplicij locum consecrantes.

Hora IV. Quibus potuit excipere auribus  
irritiones, fannas, blasphemias, maledicta,  
impias

impias voces hostium suorum, quos quidem  
in omni vita sua tot beneficijs cumularat.

Hora V. Quām fuerit ei grauis fœtor ca-  
dauerum, quorum Caluariæ mons plenus  
erat. Sed quām multò tulerit grauius fœto-  
rem peccatorum, qui quidem à fœtentibus  
Iudæorum animis efflabatur.

Hora VI. Perpendes amaritudinem tum  
vini myrrati, tum fellis & aceti, quibus sub  
mortem potatus.

Hora VII. Quomodo à planta pedis vñ-  
que ad verticem capitis laniato & excarnifi-  
cato, nullus omnino, sensui tactus reliquus  
fuerit locus dolore vacans.

Hora VIII. Cogitabis quām fuerit vni-  
uersalis omnium ordinum, omnisque gene-  
ris hominum in Christum conspiratio, siqui-  
dem passus est à Iudæis atque ethnicis. A  
maribus & fœminis, quod patet ex ancillis,  
quarum occasione Petrus ab eo defecit.

Hora IX. A principibus & à vulgo iuxta  
illud. Quare tremuerunt gentes & populi  
meditati sunt inania? A familiaribus & no-  
tis, ab impio Iuda eum prudente, à Petro  
cæterisque eum deserentibus.

Hora X. Cogitabis nihil esse in quo non  
sit passus factâ collectione eorum omnium  
in quibus soliti sunt homines pari: ac pri-  
mum quidem in amicis: qui cùm ei adhære-  
scent antea, ab eo sub mortem defecerūt.

V 5

Hora

Hora XI. Tum in fama per detractiones.

Hora XII. In honore per conuicia, cili-  
ce palam præsentique irrogata.

Hora I. In rebus, quia pauculis etiam ijs-  
que vilibus est per summam impietatem ve-  
stibus spoliatus.

Hora II. In anima per tristitiam & timo-  
rem, quod quamquam est superius dictum,  
numquam neque dici neque cogitari potest  
satis.

Hora III. In corpore, quod vniuersum, ut  
aliros taceam cruciatus, flagellis discissum di-  
laceratumque fuit.

Hora IV. Et deinceps cogita sigillatim  
Christi Domini vulnera, quamque ei fuerit  
acerba id generis mors, quippe cui partes il-  
læ quæ neruis abundant maximè, atque ob  
hanc ipsam causam acutissimè sentiunt, con-  
fixæ sunt, manus: scilicet & pedes. Tum i-  
psum pendentis eius è cruce corporis, tri-  
busque dumtaxat fulti clavis pondus, deor-  
sum versus tendens, continuò dolorē acue-  
bat. Accedebat denique doloris diurni-  
tas, id est lentæ mortis eiusque immanissi-  
mæ cruciatus longus, neque enim conficiū-  
tur statim, cruce confixi. Tu mente ingredie-  
re in hæc vulnera, ea numquam relicturus,  
puta tibi dictum illud; sponsa mea in for-  
minibus petræ; in cauerna macerizæ. & illud  
prophetæ; Ingredere in petram & abscon-  
dere

dere in fossa humo à facie timoris Domini, Isa.2.10.  
& à gloria maiestatis eius. Erinaceus es spis-  
nisque peccatorum horridus & aculeatus,  
atqui petra refugium erinaceis. Principiò  
quidem occurrat dexteræ vulnus, in quod  
ingressus cogitatione postulabis ut & san-  
guine qui inde manat, scrides tuas, eluat, &  
ut in prosperis ne insolescas.

Hora V. Vulnus leuæ ingressus, usurpabis  
illud Dauidis, Asperges me Domine hyssopo  
& mundabor, lauabis me & super niuem  
dealbabor: petesque ut in aduersis rebus ne  
animo concidas.

Hora VI. Pede dextro absconsus à facie  
iræ furoris Domini, postulabis ut affectus  
tuos omnes (quorum quidem pedes symbo-  
lum existunt) ita regat modereturque, ut ra-  
tioni, diuinæque legi perpetuò se præstent  
obsequentes.

Hora VII. Pedis sinistri apertura hiatuq;  
receptus enixè postulabis perseverantiam in  
via mandatorum Dei, ut nihil te ab ea de-  
currenda, percurrendaque ad extremum us-  
que vitæ spiritum, quovis modo impedire  
valeat.

Hora VIII. Ingredieris vastam illam ma-  
ceriæ cauernam Christi, in quam, perfoßum  
latus, vnde tibi ad cor eius amore tui estuans  
patet aditus. Ibi ea loqueris, quæ spiritus  
suggeret: efflagitabisque ut te feruentissimo  
amoris

316 DE ORAT. IACVLATOR.  
amoris sui igne ita incendat, ut aliud nihil  
præter ignem spirare videaris.

Ad singula etiam hæc vulnera quinque,  
pete ut te secum pariter vulneret & configat,  
nec velle te viuere sine vulnere, ipso  
tam dirè vulnerato: futurum alioqui, hoc  
maximum tibi vulnus, si sine vulnere viuere  
contingat. Et quemadmodum tribus ipse  
clavis cruci est confixus, non illis quidem  
ferreis tantum, sed multò magis clavis amo-  
ris, obedientiæ, atque zeli animarum, nihil  
enim sine his potuissent illi, sic & se tribus  
hisce configat vehementer ac profundè, ut  
& tu cum Apostolo gloriari possis ac prædi-  
care. Christo cōfixus sum cruci: Viuo  
ego iam non ego, viuit verò in me Christus.

Hora IX. Cogita nullum umquam ita  
doluisse vehementer atque Christum Do-  
minum, seu corpus eius, seu animum spec-  
temus: Ac corpus quidem perfectissimā erat  
constitutione, utpote sancti Spiritus opera  
fabricatum, eoque factum ut in eo vigeret  
maximè sensus tactus, ex cuius perceptione  
consequitur dolor. Ipsius verò animus per-  
fectissimè complectebatur causas tristitiae  
omnes & singulas: quas superius attigimus.

Id facit etiam ad magnitudinem dolo-  
rum Christi, quod eos sponte suâ suscepit  
ob hunc finem, ut scilicet mortales à pec-  
cati liberatos tyrannide, in veram liberra-  
tem

tem affereret. Eò factum ut eam assumpsit doloris mensuram (si immenso dolori mensura est vlla) quæ consequentem inde fructum, qui quidem fuit infinitus, exæquare posset.

Hora X. Perpende quām puri fuerint Christi dolores, omnisque omnino consolationis expertes. Siquidem in cæteris hominibus mitigatur dolor tum interior tum exterior, rationis vi & cogitatione, quod quidem perficitur quadam redundantia & deriuatione à superioribus animi viribus ad inferiores: quod sanè in Christo locum non habuit, quippe qui, vnicuique facultati id permiserit agere, quod cuiusque naturæ consentaneum est: ut præclarè Damascenus.

13. c. 15.  
fid.  
Orth.

Hora XI. Et ultima. Cogita immensam eius charitatem, quā effectum, ut licet minimo suo dolore, (imò ne dolore quidem, at aliqua animi sui actione summa cum voluntate coniuncta) potuerit humanum genus vniuersum redimere; voluerit tamen tot tamque immensos ac diuturnos tum animatum corpore toto perferre dolores, ut verè vir dolorum & sciens infirmitatis à quodam propheta dictus sit.

Atqui hæc de Christi passione in horas distributa voluntate potius quā certo iudicio: quare cuilibet licebit, si ita visum fuerit, quæ vni

vni data sunt horæ , accommodare ad alteram. Cui hæc non sunt satis, addat etiam passionis circumstantias, consideretq; quis patiatur, quid & quantum , quâ patientiâ, animiisque fortitudine , quamobrem , pro quibus, & cetera generis eiusdem. Poterit etiam Christum sibi proponere cruci affixum, modo Sacerdotis fungentem officio, seque ipsum éterno patri acceptissimum holocaustum immolantē: modò doctoris, è regia illa cathedra non verbo at re virtutem omnem perdocentis; aliâs iudicis pœnitentem latronem remunerantis, impium vero æternæ morti addicentis.

Tandem ad varietatem cogitabit quâm perfectè capitalia virtutia septē pro contrariis exhibitis virtutibus , in cruce expiarit , ut profunda sua humilitate peruicacem mortalium superbiam: Atque sic de cæteris. Iaculatorias autem, quæ tum ex superiori, tum ex hoc capite formari possunt, eò non formauimus, tum quidē cuiq; proprius quasi fœtus gratior accidet quâm alienus, tum quod cuiuis perfacile fuerit eas ipsas formare.

C A-